

# HARANGVE

---

ET

## PROTESTATION

FAICTE AV ROY, AV

NOM DES TROIS ORDRES

de France & de Messieurs

les Parisiens, sur son pro-

chain depart.



A PARIS,

Par JEAN BESSIN, rue de Reims.

---

M. DC. XXII.

*Auue Permission.*

Case


F

39

.326

162242

THE NEWBERRY  
LIBRARY



# H A R A N G V E E T

*Protestation faite au Roy au nom  
des trois Ordres de France & de  
Messieurs les Parisiens : sur son  
prochain depart.*



E mesme bon heur qui reueil-  
le & excite le courage & la  
ioye des parties septentriona-  
les, & qui reintegre les con-  
tensemens des Habitans de  
l'Ourse pour le retour du  
Soleil de la lumiere, duquel ils sont priez  
pour son élongnement : le mesme nous a  
tousiours fait reuiure & renaistre sous les  
rais fauorables de vostre presence; car si les  
tenebres sous lesquels sont enseuelis les  
premiers l'espace de six mois leur sont d'une  
dure digestiō pour estre destituez de ce que  
la Nature a produit de plus beau & de plus  
excellent. Vostre longue absence & le se-  
jour que vous aués fait hors de nos contrées  
ne nous a point esté moins seuer & difficile  
à supporter : & certes si la ioye & l'allegres-  
se que nous auons resenti & ressentons de  
vostre retour, se mesure & se confere à la  
douleur & aux traueses où nous auons tré-

pé depuis vostre départ: nous nous pouuons vanter que la resioüissance que conçoient les septentrionaux à l'atriuee du Soleil, nous a esté d'autant plus inferieure que les des-plaisirs que nous auôs receu de vostre esloignement auoient deuanté leur tristesse, aussi d'autant plus que cette longue absence a arboré & engraué en nos ames des marques certaines de nos douleurs, tant plus les contentemens que vostre presence a imprimé dans nos cœurs en ont esté excessifs & de longue estenduë, si l'un a de beaucoup alteré la splendeur & la dignité de cette ville, l'autre n'a pas moins donné de liqueur & d'accroissement à sa renommee.

Maintenant que poussé d'un boüillon genereux & d'une ardeur martiale, vous aués resolu de chercher les fleurs parmy les espines, & faire fleurir de plus en plus, la tige sacrée de vos lys par tout le monde ( bien que le regret de vostre absence nous donne de grands essancemens en l'ame, si est-ce que nous venons offrir à vos pieds nos biens, nos corps & nos vies, pour estre consacrez sur l'Autel victorieux de vostre gloire. Cette protestation sera d'autant mieux autorisée que desia nous auons donné des témoignages assés euidents de l'affection que nous vous portons: vous à qui nos vœux & nos destins sont eternellement attachez: vous de qui nostre bon-heur nostre contentemēt & nos plus doux plaisirs decoulent comme d'une fontaine délicieuse; Vous enfin, grand



& invincible Hercule, qui de la massüe devo-  
ste armee, auez abatu & foudroyé tant & tât  
de testtes de cete infernale Hidre qui vou-  
loit partager vostre Empire, & contester a-  
uec vous vne gloire que les Cieux ne peuen-  
t espancher sur autre que sur vostre bras vi-  
ctorieux : gloire d'autant plus grande quelle  
a esté cueillie dans les hazards les plus cui-  
dens ; tenon d'autant plus glorieux qu'il a  
esté acquis au milieu des dangers : bras d'au-  
tant plus foudroyant qu'il a sous le poix in-  
ste de sa vengeance, renuersé & esclaté cette  
furie nouvelle sortie des enfers. Lauriers  
d'autant mieux cultivez qu'ils ont pris nais-  
sance au milieu des foudres, des tonnerres,  
des canons & batailles sanglantes. Si le Ciel  
pouvoit vous declarer le bon-heur qu'il a  
receu en vostre dernier voyage, si le Soleil  
pouvoit tesmoigner ce qu'il a veu de vostre  
valeur, qui bien qu'elle ne commence que  
de naistre, & quelle soit encor en sa iouen-  
ce : toutes fois elle semble venir, comme  
de fait elle sort d'un esprit meur & d'un ju-  
gement de vieillard : il le raconteroit aux  
Prouinces les plus escartées de l'Ocean, &  
en rempliroit tout le monde, qu'il esclaire  
tous les iours tant il affectionne de luire en  
vostre faneur & de vous servir de conduite  
à l'acquisition de tant d'aduanrageuses pal-  
mes : mais la renommee a recompensé son  
silence, & a hautement loüé ce qu'il sem-  
bloit approuver de ses rayons. Les Royau-  
mes les plus lointains vous viennent deferrer

leur sceptre, & se desirēt estre guidés sous la ieunesse d'un tel Roy, qui monstre desia les effects d'une meure & consideree vieillesse.

Les Histoires fabuleuses nous enseignent que iadis Iunon esprise & vlcerée d'une haine irreconciliable, & portée d'un desir de vengeance à l'endroit de Hercule, luy machina la mort par le moyē d'un Serpent affreux qu'elle luy enuoya estant encor dans le berceau en intention de faire mourir ce ieune athelete qui en la tendresse de ses yeux descouvroit desia un monde de merueilles qu'il feroit esclatter un iour si iamais les destins luy tramoient le cour de la vie avec une longue suite d'annees: Mais ce ieune guerrier luy monstra bien à qui elle s'adressoit; car bien qu'il fut encor d'une main tendrelette & delicate, si est-ce qu'elles furent l'escueil & le rocher ou se briserent les bou-rasques de cette marastre, car ayant veu le serpent qui vouloit l'affronter, il l'empoigna à pleine main & l'estouffa à toute force en despit de la Deesse qui luy auoit brassé cet horrible s'accagement. Ceste victoire ne fut point seule, elle se vit suyvie de mille autres qu'il emporta genereusement en tous les lieux où son courage le portoit.

Qui est ce d'entre les Parisiens, non seulement ains de toute la France, qui ne remarque le parangon & la ressemblance de cete Histoire arriuee en vostre endroit, sinon que ce qui n'estoit que fable s'est veu effectué genereusement par vous. L'heresie n'est

ce point cette Iunon, qui depuis vostre heureux aduenement à cette Couronne, vous à tramé mille sortes de trauaux & tasché d'estouffer vostre courage en son berceau & en sa tendre ieunesse: il ne s'est passée année depuis la mort funeste de Henry le Grand d'heureuse memoire vostre pere: que cette fureur n'eust attenté & coniué la ruyné de vostre Estat, à peine esties vous encor entré dans la carriere du gouuernemēt de cēt Empire, quelle minutta le renuersement de vos Edicts, & proposa de tenir le haut bout en vostre Royaume, faisant des assemblées cōtre vos commandemens, & disposans à leur volonté de vos villes au grand demembrement de vostre Estat: mais depuis deux ans vous aués tesmoigné qu'a bō droict on vous doit appeller le fils vnique & le soustien de l'Eglise: le voyage que vous fistes en Bearn 1620. a esté le premier exploict de vostre courage, que vous fistes esclatter au grand regret des Heretiques de ces quartiers-là, qui ne pouuoient se resoudre à faire entheriner vos Edits pour la restitution des benefices, si vostre presence & la terreur de vos armes ne les y eust contrains de viue force. Ce furent les premiers lauriers que vous gagnastes sur cette Iunon, & dont le Ciel vous voulut combler pour l'année 1622. vous dōner plus d'ardeur à porter dans les hazards plus furieux comme nous auons veu, car estant party de vostre ville de Paris au mois de Mars, vous cōmençastes avec le prin-tēps.



Le Printemps de vos guerres & ce en l'Auril  
 de vostre ieunesse, vous pouuez sçauoir avec  
 quelle ardeur & quelle protestation nous  
 vous declarasmes nos affections, vous pou-  
 nez vous imaginer combien nous fulmes  
 touchez de vostre resolution voyant les pe-  
 rils euidens où vous vous alliez plonger :  
 Chacun sçait assez le soin que nous eumes  
 de vostre sacree M.luy fournissant ce qu'une  
 ville Metropolitaine d'un Royaume pou-  
 uoir seruir à son Roy. Nous reçusmes avec  
 de grâds ressentimens de ioye & esmotiōs de  
 cœur les nouuelles de tant de victoires que  
 vous emportiez tous les iours, & benissions  
 le Ciel de vous verser tant de douces influē-  
 ces, & d'autoriser vos sacrés Conseils, la  
 prise de tant de Villes, Forts, Chasteaux pla-  
 ces & la conqueste de tant de Batailles nous  
 fit esioiir publiquement avec des allegresses  
 plus qu'admirables. Vous l'aués veu à vo-  
 stre entree glorieuse & l'aués peu remarquer  
 depuis que vous nous bien heurés de vostre  
 se-iour. Nos cœurs ensemblement vnīs pour  
 la manutention de vostre Estat en peuuent  
 dōner suffisante preuue, & maintenant que  
 vo<sup>s</sup> voulez courir le mesme dāger, & voguez  
 en la mesme mer où l'an passé vous auez si  
 heureusement navigé. Nous vous reiterons  
 nos vœux: nous ne sōmes pas seuls qui vous  
 rendons & sacrifions ces humbles protesta-  
 tions, vos Princes & Grands de vostre Cour:  
 vostre Noblesse qui boult d'un genereux de-  
 sir de consacrer ses actions pour vous, en fait  
 le mesme.



le mesme. Iadis la Ville de Rome il y auoit vn Temple nommé PANTHEON, où les images de toutes les diuinités & puissances celestes estoient consacrées & colloquées chacun selon son rang & l'excellence de son degré ou de son sang : Dans l'enclos de vostre Royaume, qui est le pourpris & le sejour de ce qu'il y a de plus rare en l'Vniuers, se void & recouure vn autre PANTEON, où nom des Images des Dieux imaginaires, sont en ordre, mais des portraits viuifiez de Princes valeureux & magnanimes, qui come Anges Tutelaires de vostre Estat, viennent aux pieds de vostre M. pour vous voüer leurs actions, & consacrer la force & la dextérité de leurs armes pour vostre seruice, & certes ce n'est pas sans subiect, car tout ainsi que l'Eliotrope ne peut viure en sa splendeur & en son lustre qu'il ne soit fauorisé des rayons du grand Astre celeste. Ainsi les Princes ne peuuent viure heureusement qu'ils ne soient illuminez de la presence de leur Rey. Le Roy est comme la forme qui donne estre à la matiere, & qui l'a met en son apogee : Ainsi il viuifie & anime ses sujets qui sont les corps & dont il est l'ame. Aussi ce seroit alterer grandement le renom des peuples françois, & se voüer du tout à l'inconstance que de quitter ce qui nous touche de plus près pour le preferer à l'incertain. C'est en ceste rencôtre que vous ne remarqués pas de vn vos fidels subiects qui ait quitté l'abry de vostre Laurier pour se

contourner contre vostre Maieſté: tous les Princes & toute la Noblesſe de France eſt en voſtre diſpoſition, elle n'aſpire qu'aux honneurs de vos Commandemens, pour faire paroître l'affection qui les transporte pour voſtre reſpect. C'eſt ſur nos proteſtations que vous vous devez fonder. C'eſt ſurquoy ſe fonda Alexandre le Grand, quand il voulut conquerir toute ceſte boule ronde & ſ'en rendre tributaire: & bien que ce ne ſoit pour ſortir hors des contrées ou des limites de voſtre Royaume: toutesfois l'honneur & la gloire qui ſ'acquiert en ce combat ne cede rien aux Lauriers qu'on voit cueillir ſur la terre de ſes voiſins. Pompee qui par ſes proüeſſes & l'eſclat de ſes conquēſtes, conquiſt à bon droit le nom de Grand. Peut authoriſer grandement ce mien diſcours, car encor qu'il euſt reduict ſoubs ſon obeyſſance la plus grande partie de l'Vniuers, ſi eſt-ce qu'il n'eſtima iamais auoir faiſt vn acte digne de remarque: & par lequel il doit pluſtoſt ſ'attribuer le nom de Grand, que lors que par l'induſtrie de ſon armee il euſt reduict ſon propre pays & ſa terre Natall'e l'accroïſſant de iour à autre, & eſtimant le comble de la felicité d'un Prince d'eſtre en ſeureté & en repos en ſon propre Royaume. Ce que Ceſar pratiqua iadis avec les Gaulois, & contre les Cimbres & autres Nations qui ſ'eſtoient reuoltées contre ſes armes, ne tendoit à autre but qu'à reduire tout ſous l'obeyſſance de l'Empire Romain: bref

entre tous les plus vaillans & redoutez Monarques qu'eut produit l'antiquité. On n'a jamais remarqué vn qui n'ait esté esmeu de tenir son Empire sous les Loix, devant que des'infinuer à la conqueste & acquisition d'vn autre: leur intention a esté tousiours suyvie de ioindre les palmes & les olyues qu'ils ont fait, & dedier dans leurs propres pays aux lauriers & guirlandes qu'ils ont emporté sur leurs prochaines contrées: que s'ils ont laissé à la posterité quelque marque de leur gloire, elle est plustost engrancee en ce qu'ils ont donné le ioug de l'obeyssance à leur Royaume, que d'auoir esté chercher des victoires aux despens de leurs voisins.

C'est en cecy où vous estes rendu admirable (SIRE) c'est en cette rencontre où vous triomphez prudemment, voulant appaiser les Rebellions de vostre Prouince, & domter leur arrogance premier que de hazarder vos armes aux guerres estrangeres & aux douteux succès des batailles de Mars. Cette prudence nous esmeut & conuie tant que nous sommes à suyure vos armes, & à nous venir rager sous vos estandars qui sont desia déployez, & sur qui le Ciel verlé ses meilleures influences.

Les faicts heroiques de Henry le grand que Dieu absolue, & la valeur de tant de genereux Capitaines qui ont suinis les drapeaux, & dedié leur sang pour releuer la couronne que la Rebellion & les Guerres Ciuiles tenoient opprimée: sont autant d'ex-



12  
emples pour esguillonner vos Princes, vo-  
stre Noblesse & vos subiects, à ce qu'ils sont  
allés portés de leur naturel. L'honneur & l'a-  
mour que la France tesmoignoît aux pre-  
miers pour estre enroolez sous la Cornette  
d'un des premiers & plus signalés Capitaines  
de la terre, Feront aux seconds autant de  
phares & de flambeaux pour les conduire  
generousement sous vos enseignes, & qui  
plus est, la valeur de nostre courage fera nai-  
stre aux partialistes & rebelles de vostre Es-  
tat: tant de dementirs, qu'avec la iustice de  
nos deportemens, nous remportions contre  
leurs desseins audacieux, à front ouuert, le  
prix & le los de nostre mérite.

Aureste (SIRE) nous ferons paroistre à  
la veüe des Monarques les plus signalez de  
la terre, que nous sommes affectionnez au  
bien de vostre Couronne. Vos Princes ter-  
des Aigles en grandeurs, des lyons en cou-  
rages pour attaquer ces ennemis de l'Etat  
& cette engeance de reuolte. Vous serès  
toufiours en nostre endroict comme cette  
Pierre excellente d'Aphrique, nommée LI-  
PARIS, qui a cette puissance par l'esclat &  
les rais de sa beauté incomparable, d'attirer  
sur soy les ieux des regardans & les tenir cõ-  
me collez & attachez à ses esclats brillants.  
C'est vous grand Roy, sur qui est acquis nos  
esperances, sont collées: c'est vous qui des  
rayons de vostre bonté attirés les cœurs les  
cœurs des plus diamantins, & toutes fois cet-  
te engeance infernale, cette maudite Re-



bellion vous met encor vn coup encholere. C'est tout vn, nous nous fions à la Iustice & à l'innocence de vos armes : vous estes l'ancre assleuré de nostre nauire, tandis que nous nous verrons regir sous les rais fauorable de vostre presence, nous ne craindrons les dangers & les escneils contraires.

Quand vn Nauire se trouue au milieu d'une grande tourmente, enueloppé des vents & des flots qu'une tempeste furieuse la menace du prochain naufrage, qu'elle est destituee de timon & de mats, que ses voiles sont deschirees sous la reuolte des autres qui la choquent & bouleuersent, que ses cordages sont rompus, que la proüe s'entrebaille & que la poupe cōmence à se deimembrer, que le Ciel se creue de foudres, qui s'eslancent à long torts de tous costés, que la mer s'entrecoupe en montagnes, & que les flots lechent le sommet des Aitres. Le sage Pilote en ce cas, regardant d'un visage assleuré la tourmente & le courroux des ondes, & iette son ancre malgré les vents & flots au fōds de la mer pour arrester son vaisseau & luy seruir de fondement assleuré contre les attaques & assants furieux de Neptune.

Ainsi grand Monarque en ces derniers troubles où l'heresie a tasché de reueriser les piliers de vostre Estat dans les ruines de ses reuoltes, voyant le nauire de vostre Royau-me attaquée des vents de fureur, esbranlée des flots de rebellion, destituee du gouuernail de Iustice sans voiles d'obeissance, sans

cordage de fidelité. Que le Ciel de vostre Empire se creuoit des foudres d'une guerre Civile : V. M. pour sauuer les siens de cette grande & estrange tempeste qui commençoit à s'esleuer de deliurer vostre France des Rebellions de vos subiects, se porta genereusement aux coups où elle résout maintenant de retourner, où elle gagna des lauriers inombrables en la presence de 75. places d'importances qu'elle a fait lecouier des mains des Rebelles : assurant ceste barque Françoise sous vn ancre assés de vostre bras inuincible. Que restoit-il maintenant que d'accomplir cette annee, ce que si heureusement vous aués commencé l'an passé, & qui vous a réussi avec tant de contentemens: Qu'est-ce il dis ie que de cueillir le fruit dont vous en aués ietté de si heureuses semences. C'est à ce coup, sera que nous vous fuirons : c'est à ce coup que la France veut tenter le destin dessous vos Commandemens: elle a veu le commencement de la ruine des Rebelles: elle a veu le succès de vos victoires: elle verra la fin & le terme de cette reuolte accablé & enseuely dans ses ruines propres. Nous verrons à iamais vos fleurs de lys eternisées & arborées dans les combats, & parmy les sanglantes rencontres dōt les Rochelois palliserēt sous le bruit de vos armes, Montauban se cache dans ses propres demolitions: toute la Guienne & le Languedoc brûle d'un desir impatient

d'estre reduict sous le ioug emmiellé de  
vostre puissance. Le Ciel d'un saut vous  
encourage ; Dieu soustient vostre que-  
relle & lasche le foudre de ses indignitez  
sur ceste race impudente, sur ces Geants  
tiere-nez qui aspirent au demembrement de  
de vostre Cnuronne: il n'y a personne qui  
n'autorise vos Conseils, les Estrangers sont  
de vostre party, la France vous tend les bras,  
vostre ville de Paris vous offres son seruice  
& ce qu'elle a de meilleur, les Proninces vo-  
fuiuant vos pas, les Nobles vous imitent en  
ceste action, vos armées se recognoissent de  
marcher sous les drapeaux de vostre Iusti-  
ce Ainsi vos Lis fleuriront à iamais & se-  
ront tousiours verdoyans pour delecter, o-  
dorans pour embaufmer, blancs pour deco-  
rer, argentins pour enrichir, hauts pour esse-  
uer, espanouis pour couronner éternelle-  
ment la gloire de vostre esprit, esprit pour  
qui Iupiter mespriseroit le lieu de sa naissan-  
ce, Neptune son tenarre, Diane son delos,  
Apollon son Parnasse, Hercule son Terin-  
the, & Mars les regions froides de sa Traces  
Aussi nostre France ne recognoist-elle autre  
auourd'huy, SIRE, autre Iupiter que vo-  
stre Maiesté, autre Neptune que vostre grâ-  
deur, autre Apollon que vostre esprit, autre  
Herculle que vostre force, autre Mars que  
vostre courage: Facent les Dieux que vous  
puissiez voir par effects ce que nous vous  
protestons de promesse, & qu'un iour le cal-

me de la paix ayant chassé les orages de la  
guerre, vous puissies nous tenir à iamais  
pour vos treshumbles & tres-affectionnez  
sbiects.

**FIN,**



